



01  
4736  
PB 113

Bosnia and Herzegovina  
Federation of Bosnia and Herzegovina

CANTON SARAJEVO  
Ministry of Economy  
Tourism Administration

Broj: 07-08-04-46892-33/24  
Sarajevo, 25.12.2024.godine

**SKUPŠTINA KANTONA SARAJEVO**  
**- ovdje -**

**Predmet: Odgovor na zastupničku inicijativu zastupnice Danijele Kristić, dostavlja se**

Zastupnica Danijela Kristić je u okviru 11. radne sjednice Skupštine Kantona Sarajevo, u skladu sa članom 213. stav (1) Poslovnika Skupštine Kantona Sarajevo ("Službene novine Kantona Sarajevo", broj: 41/12-Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22-Ispravka), dana 16.10.2024. godine, uputila zastupničku inicijativu:

"Podnosim inicijativu za izmjenu Pravilnika o djelatnostima obaveznih članova TURISTIČKE ZAJEDNICE KANTONA SARAJEVO, u dijelu koji se odnosi na pravna i fizička lica koja nisu ni direktno ni indirektno vezana za turizam tj čija djelatnost ne ostvaruje prihod pružanjem ugostiteljskih ili drugih turističkih usluga i ne obavljaju s turizmom neposredno povezane djelatnosti".

**Odgovor na zastupničku inicijativu:**

Ministarstvo privrede Kantona Sarajevo smatra zastupničku inicijativu zastupnice Danijele Kristić opravdanom, međutim smatramo da je sprovođenje iste u ovom trenutku preuranjeno.

Naime, Ministarstvo privrede Kantona Sarajevo pokrenulo je proceduru za izmjenu i dopunu važećeg Zakona o turizmu ("Službene novine Kantona Sarajevo", broj: 19/16, 31/17, 34/17 - Ispravka i 13/21).

Članom 63. predmetnog Zakona o turizmu između ostalog propisano je da Turistička zajednica Kantona Sarajevo ima obavezne članove, predstavnike privatnog i javnog sektora turizma iz općina sa područja Kantona Sarajev, da su obavezni članovi Turističke zajednice sva pravna i fizička lica, koja na području Kantona Sarajevo imaju sjedište ili bilo kakav organizacioni dio i koje ostvaruju prihod pružanjem ugostiteljskih ili drugih turističkih usluga ili obavljaju s turizmom neposredno povezane djelatnosti. Također je propisano da navedene djelatnosti utvrđuje Ministar privrede Kantona Sarajevo Pravilnikom, u skladu sa Klasifikacijom djelatnosti Bosne i Hercegovine.

U skladu sa navedenim članom 63. predmetnog Zakona o turizmu, Ministar privrede Kantona Sarajevo donio je Pravilnik o djelatnostima obaveznih članova Turističke zajednice Kantona Sarajevo ("Službene novine Kantona Sarajevo", broj: 44/16, 2/18 i 12/18).



Izmjenama i dopunama Zakona o turizmu, za koje je ovo Ministarstvo pokrenulo proceduru, predviđene su i određene izmjene koje se tiču djelatnosti obaveznih članova Turističke zajednice Kantona Sarajevo.

Obzirom da je predmetni Pravilnik donesen na osnovu predmetnog Zakona o turizmu, a kako je trenutno pokrenuta procedura za izmjenu i dopunu navedenog zakona, ovo Ministarstvo smatra zastupničku inicijativu preuranjenom.

Nakon što budu donesene Izmjene i dopune predmetnog zakona o turizmu, Ministar privrede Kantona Sarajevo će započeti proceduru vezano za izmjenu predmetnog Pravilnika u skladu sa važećim zakonom.

S poštovanjem,



Dostavljeno:

1. Naslovu,
2. Vladi Kantona Sarajevo - na znanje,
3. Evidenciji,
4. A/a.